

# SCRIPTA

---

**Numéro Scripta :** 2588

**Auteur(s) :** Robert Calabre [chevalier]

**Bénéficiaire(s) :** Mathieu Borgerée [prêtre]

**Genre d'acte :** charte

**Authenticité :** non suspect

**Datation :** 1266, avril

**Action juridique :** vente

**Langue du texte :** latin

## Analyse

Vente par Robert Calabre à Mathieu Borgerée, prêtre, d'une vigne sise à Saint-Martin-du-Vieux-Bellême, dans le fief du prieur.

## Tableau de la tradition

### Éditions principales

a. Barret Philibert (Abbé), *Cartulaire de Marmoutier pour le Perche*, Mortagne-au-Perche, Meaux (Documents sur la province du Perche ; 3e série, 2), 1894, n° 82, p. 96.

Texte établi d'après a

Ego Robertus Kalabre et ego Johanna uxor sua notum facimus universis presentes litteras inspecturis quod nos, de assensu et voluntate omnium heredum nostrorum, vendidimus et concessimus Matheo Borgeree presbitero, pro sexaginta et quinque libris Turonensibus nobis integre persolutis, quandam vineam nostram in parochia Sancti Martini de Veteri Bellismo in feodo prioris de Bellismo sitam, et jungitur ex uno latere vinee Odonis Foquaut et vinee Guillelmi Lefrilous, et chemino regali ex alio, et abotat superius vineis Guillelmi Lebret et heredum Gaufridi Pelliparii defuncti, et reuelle pratorum inferius, totum et integrum sicut se possidet com sepibus, et fossatis, et omnibus aliis pertinentiis suis, habendam et jure hereditario perpetuo possidendam dicto Matheo et ejus heredibus libere, quiete et pacifice ab omnibus serviciis, exceptis serviciis capitalium dominorum. Nos vero, tactis sacrosanctis Evangeliis, juravimus quod in dicta vinea seu ejus pertinentiis, ratione dotis vel alia nichil reclamabimus in futurum. Immo nos et heredes nostri dicto Matheo et ejus heredibus dictam vineam, com omnibus pertinentiis suis tenemur defendere contra omnes ad usus et consuetudines Bellismenses. In cujus rei testimonium, nos dicto Matheo dedimus presentes litteras sigillis nostris sigillatas. Datum anno Domini M° CC° LX° sexto, mense aprilis. Nos vero Gaufridus prior de Bellismo, dominus feodi, volentes et approbantes omnia supradicta, presentibus litteris sigillum nostrum apposuimus in ipsius rei testimonium et munimen. Datum ut supra.